

Ugovorne strane:

Ministarstvo unutrašnjih poslova Kantona Sarajevo, sa sjedištem u ulici La Benevolencije broj 16, koje po ovlaštenju premijera, zastupa ministar Dr. Sc. Omer Osmanović (u daljem tekstu: Ugovaratelj osiguranja) i

Croatia osiguranje d.d. Mostar, sa sjedištem u ulici Kardinala Stepinca bb, koje zastupa direktor društva Danijel Zirdum, (u daljem tekstu: Osiguravatelj)

zaključili su:

UGOVOR

**za pružanje usluga osiguranja motornih vozila (obavezno i kasko) za potrebe
Ministarstva unutrašnjih poslova Kantona Sarajevo**

Član 1.

Predmet ovog ugovora je pružanje usluga osiguranja motornih vozila za potrebe Ministarstva unutrašnjih poslova Kantona Sarajevo, a u skladu sa Odlukom o izboru ponuđača broj 01-11-4-3039-7 od 25.07.2022. godine, tenderskom dokumentacijom kao i ponudom Osiguravatelja od 04.07.2022. godine, koja čini sastavni dio ovog Ugovora.

Postupak nabavke je pokrenut na osnovu Odluke broj 01-11-4-3039 od 06.05.2022. godine, Obavještenja o nabavci broj 1364-7-2-50-3-30/22 od 31.05.2022. godine i Ispravke Obavještenja o nabavci broj 1364-7-2-50-8-41/22 od 27.06.2022. godine.

Usluge osiguranja koje su predmet ovog ugovora obuhvataju osiguranje motornih vozila, koje uključuje: obavezno osiguranje od automobilske odgovornosti i kasko osiguranje bez uključene franšize i rizika od krađe.

Član 2.

Ukupna vrijednost ugovora iznosi 18.557,77 KM (osamanesthiljadapetstotinapedesetsedam i 77/100 KM).

U skladu sa odredbama Zakona o PDV-u, usluge osiguranja su oslobođene plaćanja PDV-a.

Osiguravatelj se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora pružati usluge obaveznog i kasko osiguranja za motorna vozila Ministarstva unutrašnjih poslova Kantona Sarajevo.

U slučaju da Ugovaratelj osiguranja izvrši prodaju vozila ili u slučaju kvara na vozilu prije roka utvrđenog za registraciju i osiguranje, za ta vozila se neće vršiti predmetna usluga.

Član 3.

Osiguravatelj se obavezuje da će u roku od deset dana od dana obostrano potpisanog ugovora dostaviti bankarsku garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenjaugovornih obaveza + 30 dana.

Član 4.

Osiguravatelj se obavezuje da za osiguranje vozila izdaje pojedinačne polise sa početkom osiguranja u zavisnosti od isteka registracije vozila, a prema spisku vozila koji je sastavni dio ovog ugovora. Ugovaratelj osiguranja se obavezuje da će plaćanje premije za osiguranje vozila od autoodgovornosti vršiti odmah po izdavanju polise i prijemu fakture, a za kasko osiguranje po izdavanju polise i prijemu fakture u roku od 30 dana.

Član 5.

Osiguravatelj se obavezuje da će odmah pristupiti uviđaju i procjeni štete, a najkasnije u roku 24 sata, te se obavezuje da Ugovaratelj osiguranja može pristupiti saniranju štete kod svakog ovlaštenog servisa za popravku vozila na teret osiguranja.

Član 6.

Ugovorne strane su saglasne da će se utvrđena šteta plaćati u roku od 15 dana od dana dostavljanja prijave osiguranog slučaja sa kompletnom dokumentacijom.

Član 7.

Ugovaratelj osiguranja se obavezuje da će usluge pružiti u skladu sa zahtjevom Ugovaratelja osiguranja i da će odmah postupiti po eventualnim primjedbama Ugovaratelja osiguranja u pogledu nedostataka na ime kvaliteta izvršene usluge.

Ugovaratelj osiguranja je dužan dostaviti pismeno obavještenje o svakom propustu Osiguravatelja.

Ugovaratelj osiguranja će utvrditi razuman rok za ispravak propusta Osiguravatelja u smislu izvršene usluge.

Član 8.

U slučaju kašnjenja u pružanju usluga, do kojeg je došlo krivicom Osiguravatelja, isti će platiti ugovorenu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, stim da ukupan iznos ugovorene kazne ne može preći 10% od ukupno ugovorene vrijednosti koja je predmet narudžbe. Osiguravatelj je dužan platiti ugovorenu kaznu u roku od sedam (7) dana od dana prijema zahtjeva za plaćanje od Ugovaratelja osiguranja.

Ugovaratelj osiguranja neće naplatiti ugovorenu kaznu ukoliko je do kašnjenja došlo usljed više sile.

Član 9.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile. Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično. Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 10.

Osiguravatelj nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 11.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno.

U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 12.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 13.

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti.

Član 14.

Ugovor je sačinjen u četiri istovjetna primjeraka, od kojih po dva zadržavaju obje ugovorne strane.

OSIGURAVATELJ
Croatia osiguranje d.d.
Mostar

direktor društva
Danijel Zirdum

Broj: Ru 250/22
Datum: 13.09.2022.



UGOVARATELJ OSIGURANJA
Ministarstvo unutrašnjih poslova
Kantona Sarajevo

po ovlaštenju premijera, ministar
Dr. Sc. Omer Osmanović

Broj: 01-11-4-3039-8
Datum: 07.09.2022. godine